

ԳԵՎՈՐԳ ԷՄԻՆ

ՇԱՔԵ



ՀԱՅՊԵՏՆԻՐԱՏ
1949



ԳԵՎՈՐԴ ԷՄԻՆ

Շ Ա Ք Ե

ՀԱՅԳԵՏՀՐԱՑ

ՀԼԿԵՄ ԿԵՆՏՐՈՆԻՆ ԿԵՑ ՄԱՆԿԱ-ՊԱՏԱՆԵԿԱՆ ԳՐԱԿԱՆՈՒԹՅԱՆ ԲԱԺԻՆ
ԵՐԵՎԱՆ

1949

Մապիկը և իշուտաբանները՝
Լեւորիշ ԲԱՐԿԵՆ ՓՈԼՈՋՅԱՆԻ

ГЕВОРГ ЭМИН
ШАКЭ
(На армянском языке)
Аргиз, Ереван, 1949



1

Առավոտյան զարթնեցինք.
— Այս ուղեք՞ը են աղմկում...
Հավաքվել են տնեցիք,
Ուրախ խոսում են բակում:

Երկու քեռի անծանոթ
Մի ավտո են դատարկում...
Թողած մարզանքը կիսատ,
Բակ վազեցինք մենք ուրախ:

— Ո՞ւմ ավտոն է, մայրիկ, սա,
Եվ որտեղի՞ց են սրանք:
Տխրեց մայրիկն այս խոսքից,
Ասլա ասաց մեղմաբար:

— Երբ չկայիք դուք խելի,
— Երբ դեռ փոքր էր ձեր պապան,
Ֆաշիստի պես վայրենի
Թյուրք զորքերը արշավել,
Ջարդել էին հայերին
Ու տները ավերել:

Մենք հարց տվինք զարմացած.
— Իսկ ո՞ւր էր զորքը Կարմիր:
— Այդ վա՛ղուց էր, — նա ասաց, —
Ժամանակով՝ Սուլթանի:

Սովետական մեք երկիրն
Այն ժամանակի դեռ չկար,
Որ ջարդեր այդ սև զորքին,
Հասներ նրանց օգնության:

— Հետո՞, մայրի՛կ, — հարցրինք, —
Պատմիր՝ է՞լ ինչ է եղել...
— Հետո... կատեմ առանձին,
Հիմա դնանք ու թեյենք:

Մենք նստեցինք թեյելու,
Սակայն և չենք համբերում.
— Մայրի՛կ, պատմի՛ր, սիրելիս,
Այդ ո՞ւմ իրերն են բերում...:

Եվ մայրիկը մեղ ասաց.
— Կովի դաժան՝ այդ տարին.
Ով թյուրքերից ազատված,
Մնացել էր կենդանի,

Կա՛մ Արաքս դետն անցնելով՝
Եկավ, հասավ Երևան,
Կա՛մ աշխարհում ցրվելով՝
Մնաց առանց օթևան:

Ով անցել էր դեռն Արաքս,
Եկել, հասել այս հողին,
Հոկտեմբերից թե առած,
Շինեց իր տունը նորից:

Եվ ապրում է մեզ նման՝
Ազատ, գոհ ու երջանիկ...
Իսկ ով օտար հող զնաց,
Զրկվեց ամեն մի բանից:

Զրկված ամեն մի բանից,
Անհող, անջուր ու անտուն,
Ընկած դռներն օտարի,
Ես գալու հույսը սրտում,

Ապրում էին վշախ մեջ
Պանդուխտ հայերը այսպես,
Մինչ Ստալինն պապը մեծ
Նրանց վշախից ազատեց:


Երբ մեր երկիրը հաղթեց
Ֆաշիստական զորքերին
Եվ Հիալերից ազատեց
Բոլոր ճնշված ազգերին,

Ասաց նրանց.

— Շինեցե՛ք

Ձեր ավեր տունը նորից
Եվ ազատ կյանք կառուցե՛ք՝
Փրկված մահից ու սովից:

Իսկ հայերին դաղթական,
Եղբայրներին մեր անտուն,
Նա բացած դռուն իր հսկա՝
Կանչեց, բերեց իրենց տուն,



Որ չմաշեն կյանքն իրենց
Դռան առաջ օտարի
Եվ իրենց տունը շինեն,
Ապրեն մեզ պես երջանիկ:

— Ա՛յ, քեռիներն ույս երկու
Պանդուխտներն են իմ առած,
Որ մեր բակում ու շենքում
Բնակարան ստացած,

Այսօրվանից մեզ նման
Պիտի ապրեն երջանիկ,
Կյանքով—սրտով նվիրված
Սովետական աշխարհին:—

Երբ մայրիկը այս ասաց,
Մենք կրկին բակ վազեցինք,
Պանդուխտ քեռուն հարազատ
Ժպտացինք ու սսացինք:



— Բարի գալու՛ւստ Ձեզ, քեռի՛,
Մեզ պատմել է մեզո մամուն,
Ինչ բան որ Ձեզ պետք լինի,
Մենք կգտնենք Ձեզ համար:

Կուզեք՝ օղնենք Ձեզ հիմա
Ու իրերը դատարկենք,
Կուզեք՝ կտուր բարձրանանք,
Ռազիոյի գլիժը սարքենք:

Կուզեք՝ հիմա հենց վազենք
Ու թերթ բերենք Ձեզ համար...
Քեռին ասաց. — Ձեմ ուզեր,
Շնորհակա՛լ եմ, տղս՛ք:

Հետո իջավ, գրկեց մեզ
Ու արցունքի մեջ ասաց.
— Դեռ ոչ ոք ինձ կյանքիս մեջ
Սյապեա խոսքեր չէր լսած:

Ես ասացի.— Վա՛յ, քեռի՛,
Լա՞ց ես լինում, լո՞նջ եղավ:
Իսկ նա ասաց.— Ինձ ներե,
Ե՛ս էլ մանուկ եմ, տղա՛ս:—

Մենք օգնեցինք մեր քեռուն,
Իրերը ներս կրեցինք,
Զուր բերեցինք մեր քեռուն
Ու լրագիր բերեցինք:

2

Երբ դառնում ենք մենք դպրոցից,
Ճաշ ենք ուտում, առնում հանգիստ
Եվ խաղում ենք պահմտոցի
Մանուկների հետ մեր բակի:

Մարոն աչքերը փակում,
Հաշիվում է պինդ ու դոռում.
Մենք վաղվում ենք բակում
Ու թաքստոյ որոնում:

Ես կողքի բակը մտա,
Շուտ դեռ ու դեն եմ նայում,
Մեկ էլ՝ փոքրիկ մի աղջիկ
Դեպի ինձ է սլանում:

Ես ուզեցի այն բռնել,
Մեկ էլ՝ փոքրիկ մի աղջիկ
Հասավ, գնդակը խլեց
Ու ցցվեց իմ առաջին:

Ես լուռ նայում եմ նրան,
Սչքերիւ չեմ հալատում.
«Ո՞վ է աղջիկն այս նիհար,
Ի՞նչ դործ ունի մեր բակում»:

Ես հարցնում եմ.— Ո՞վ ես դու,
Եվ որտեղի՞ց բուսնեցիր...
Նա թե.— Մեղի այս առտու
Հոս աղվոր տո՛ւն են տվել:

— Քո անունն ի՞նչ է:
— Շաքե՛:

— Որտեղի՞ց ես:

— Բեյրութե՛ն:

Մենք հոս նախա՛վ ենք եկեր
Ու շողեկա՛նք ենք հատեր:

Ես ասում եմ.

— Բա՛ն ասիր...

Ես հստեղ եմ օդանա՛վ...
Նա թե.— Քեզ բան մը չըսի՛ր,
Ես՝ ինձ, դուն ալ քեզ համար...

Զարմանք բա՛ն է... ինչպե՞ս թե՛
«Ես ի՛նձ, դուն ալ քե՛զ համար»...

— Տղե՛րք, եկեք մի այստեղ,
Դուցե դուք բան հասկանաք:—

Մարոն, Ալիկն ու Կարոն

Շաքեի մոտ են դալիս.

— Խաղա՛նք,— ասում է Մարոն:

Նա գնդակը չի տալիս:

Պինդ կպել է գնդակին,

Թե.— Իմի՛նն է ասիկա...

Մենք ասում ենք.— Հասկացի՛ր,

Խաղից հետո քեզ կտանք:



Քնդական ինչ է, որ այսօր,
Նրա համար խռովես... —
Նա թե. — Հայրիկըս ասոր
Հինգ սուրխակա՛ն է տվե՛ք...

— Ամո՛թ, ամո՛թ քեզ, ժլա՛տ, —
Մարոն ասում է նրան.
Եվ Շաքելից խռոված
Մենք ուղու՛մ ենք հեռանալ,

Երբ մայրիկը Ալիկի,
Միջանցքի դուռը բացած,
Մոտենում է մեր խմբին.
Եվ մեզ ասում բարկացած.

— Անհարմար չէ՞ ձեզ վիճել,
Այն էլ առանց պատճառի...
Դեռ իրար լավ ճանաչեք,
Նո՛ր խռովեք իրարից:

Շաքեն դեռ նո՛ր է եկել
Ուրի՛շ-ուրի՛շ աշխարհից.
Հազար վիշտ է նա տեսել,
Հազար տանջանք ու չարիք:

Իր կամքով չէ նա դարձել
Այդպես մենակ ու ժլատ,
Նա չգիտե դեռ ձեզ պես,
Թե ո՛րն է վատ, ո՛րը՝ լավ:

Նա անծանոթ է անգամ
Մեր բակին ու քաղաքին,
Մեր աշխարհի թիր մանկանց,
Սովետական մեր կյանքին:

Իսկ դուք նրան փոխանակ
Բան ասելու մի կարգին,
Ստիպում եք խորթանալ
Ձեր երջանիկ խմբակից:

Ա՛յ, ո՞վ կարող է հիմա
Յուշից տալ քաղաքը նրան... —
— Մարտ'ն...

— Ալ'իկը...

— Կիմա'ն...

— Մենք բոլո՛րս էլ կգնանք:

— Շաքե՛, ուզո՞ւմ ես դնալ,
Ծանոթանալ քաղաքին:

— Կուզե՛մ, տեսած չեմ բնավ,
Կեցեք՝ ըսեմ մայրիկին:

— Վաղն ի՞նչ օր է:

— Կիրակի՛:

Լա՛վ, քեցե՛ք դուք հիմա,

Վաղը կասեք մայրիկին

Ու միասին կգնաք:

3

Տըրամվայը՝ ձի'ն-ձի'ն-ձի'ն...

Ավտոնեբը՝ տո՛ւ-տո՛ւ-տո՛ւ...

Ձե՛նք վախենում նրանցից,

Մենք գտնվում ենք մայթո՛ւմ:

Սա փողո՛ցն է Շահումյան,

Սա էլ՝ փողո՛ցը Մարքսի,

Սա՝ հյուրանո՛ցն է «Սևան»,

Սա՝ խանո՛ւթը մետաքսի:

Միլիցիոնները ջահել
Տեղում պտույտ է դալիս,
Ձեռքի վայտը երկարել,
Ճանապարհ է ցույց տալիս:

— Դո՛ւ, արամվա՛յ, սլացի՛ր
Ավտո՛, թռի՛ր դու արագ,
Իսկ դո՛ւ, վոքրիկ, սպասի՛ր,
Ճամփան վա՛ղ է քո առաջ:

— Ինչո՞ւ աստեղ կալարե,
Զի՞ վախճար աս քաջ քեռին...
— Միլիցիոնե՛րն է սա մեր,—
Ասում ենք մենք Շաքին:

— Ի՞նչ ըսել է՝ միլիցիա.
Մի անցորդ, թե՛ ոստիկա՛ն:—
Շաքեն վախով հեռացավ,
Կիրովի պարկը մտավ:

— Շաքե՛, ինչո՞ւ վախեցար
Եվ ինչո՞ւ ես դու պահվել:
— Ոստիկանե՛ն վախեցա,
Ան աղքատին կղարներ՝—

Մարոն, Ալիկն ու Կիման
Ծա՛փ են տալիս ու ասում.
— Վա՛յ քեզ, Շաքե, վա՛յ, հիմար,
Այդ ինչե՛ր ես դու խոսում:

Այստեղ Բեյրո՛ւթը չէ ձեր,
Ի՞նչ աղքատ ու ի՞նչ հարուստ,
Ո՞վ կարող է մարդ ծեծել
Սովետական աշխարհում:

Նա մեզ համա՛ր է կանգնած,
Մեր հանգի՛ստն է պահպանում,
Նա սաստում է լոկ նրանց,
Ովքեր կա՛րդ են խանդարում:



Իսկ ով լավն է ու խելոք,
Նա փայփայում է նրանց...
— Տղե՛րք, — ասում է Կարոն, —
Եկեք նրա մոտ դնանք:—

Մենք մոտենում ենք պոստին,
Նա մեզ պատիվ է տալիս,
Ձեռքը տարած գլխարկին
Դեպի մեր կողմն է գալիս:

— Բարև՛, քեռի միլիցիա՛, —
Ասում ենք մենք միասին, —
Շաքեն Ձեզնից վախեցավ,
Նա չգիտեր Ձեր մասին:

Նա դեռ երեկ է եկել
Ուրիշ տեղից Երևան,
Խնդրում ենք մեզ օգնեցե՛ք՝
Յուշյց տալ քաղաքը նրան:—

Միլիցիոնները հանեց
Ճերմակ ձեռնոցը ձեռից,
Իր աջ ձեռքը երկարեց
Ու բարևեց Շաքեին.

— Բարո՞ւ՛՛վ եկար Երևան,
Որտեղի՞ց ես ներգաղթել:
— Ես չարություն չե՛մ ըրած,
Ես եկած եմ Բեյրութեն...

Միլիցիոնները ժպտաց,
Ապա ասաց մեզ արագ.
— Թե այստեղից փնաք ցած,
Գործարանն է «Արարատ».

Արարատից քիչ ներքե
Նոր կամուրջն է Չանգուի,
Իսկ կամուրջից թե թեքվեք՝
Աշտարակի խճուղին:—

— Իսկ դեպի ա՞ջ...
— Սպասի՛ր,
Թող այս ավտոն ա՛նց կենա...
Իսկ թե աջ կողմ գնացիր,
Պողոտա՛ն է Սասլինյան:

Պողոտայից թե թեքվես,
Կոնդի թունե՛լն է երկար,
Իսկ թունելից քիչ ներքե՝
Երկաթգի՛ծը մանկական:

— Իսկ դեպի վե՞ր...
— Դեպի վեր
Աբովյա՛նն է ծառաղարդ,
Հազար խանութ ու տներ,
Կինո, թատրոն ու արձան:

Համալսարան, դպրոցներ,
Ինստիտուտներ բազմադան,
Հիվանդանոց, փողոցներ
Ու պուրակներ ծաղկաղարդ...

— Իսկ դեպի ձա՞խ, ես դիտե՛մ,
Կայարա՛նն է քաղաքի:
— Կայարանից թե անցնես՝
Կոմսոմոլի նոր այգին:

— Իսկ թե ա՞յս կողմ՝ դնանք մենք
— Ա՛յ, ասեմ՝ ձեղ, երևիեք.
Թե չուկայի կանգառից
Դեպի կրկեսը թեքվեք,

Կտեսնե՞ք մեր քաղաքի
Գործարանները բոլոր,
Ծխնելու յղներն ահադին,
Մեքենաները հզոր:

— Շնորհակա՛լ ենք, քեռի՛,—
Ասացինք մենք միասին
Եվ մեջ առած Շաքերին
Դեպի վերեւ գնացինք...

Տրամվայը՝ ձի՛ն-ձի՛ն-ձի՛ն...
Ավտոները՝ տո՛ւ-տո՛ւ-տո՛ւ...
— Քեռու՛ն դրամ տվեցի՞՞ք:
— Շաքե՛, ինչե՛ր ես ասում...

Ա՛յ, հյուրանոցը «Սևան»,
Տես՝ ինչ մե՛ծ է, ինչ չքե՛ղ...
— Ասոր տերն ո՞վ է, տղա՛ք:
— Քաղսովետի՛նն է, Շաքե՛:

— Իսկ սա պարտե՞ղը աղվոր...
— Ո՞ր պարտեղը, Կոմայդի՞ն...
Քաղսովետի՛նն է:
— Այո՞...

Իսկ սա խանո՞ւթը...
— Կրկի՛ն:

— Քաղսովետն ո՞վ է, տղա՛ք,
Ինչ հարուստ մա՛րդ է եղեր...—
Մենք ծիծաղում ենք ուրախ.
— Շաքե՛, քեղ ի՞նչ է եղել...

Ի՛նչ հարուստ մարդ ու ի՛նչ բան,
Դա հիմնա՛րկն է գիմացի,
Ուր մեք հայրերը նստած՝
Մատածում են մեր մասին:—

Շաքեն լսում է աղահ
Ու նայում է զարմացած:
— Ո՞ւմ արձանն է ասիկա,
Ո՞վ է հոս տեղը կեցած:

— Սա Շահումյա'նն է, Շաքե',
Ձեր գրքի մեջ չի՞ գրված,
Անգլիացիք բանտարկել
Ու սպանե՛լ են նրան:

Բոլշևիկ է նա եղել
Ու ընկե՛րը Լենինի,
Նա կռվել է ու մեռել,
Որ լա՛վ ապրենք մենք հիմի:

— Հայրիկիս ա՛լ են անոնք
Բեյրութի մեջ բանտարկեր ...

— Ինչո՞ւ, Շաքե:

— Ձե՛մ գիտեր,
Կըսեն՝ միթիսիկ է սարքեր...

... Ահա փողոցն Աբովյան

Ու արձանը Իլյիչի...

Շաքեն հանկարծ մեզ թողած՝

Վազեց մայթը դիմացի:

— Լենին բաբա՛ն է, տղա՛ք,—
ձգում է նա զարմացած:

— Կեցցե՛ս, Շաքե', ա՛յ հրաշք,
Դու որտեղի՞ց իմացար:

— Ան Բեյրութ չա՛տ է եղեր...

Ես հոն անոթ չեմ տեսեր,

Բայց հայրիկըս կգովեր,

«Լենին մեզ հե՛տ է», կըսեր:

— Շաքե, նա շո՛ւտ է մեռել:

— Ինչո՞ւ գեշ-գեշ կխոսիս.

Մեռած ըլլար՝ չէ՛ր կռվեր...

Հայրիկըս սուս չի՛ խոսիր:

— Դե լա՛վ, կռիւ մի՛ արեք,
Երկուսդ էլ ճի՛շտ ասացիք:
— Այս ի՞նչ չէնք է վիթխարի,
Ո՞վ ձեզանից ինձ կասի:

Դու կարո՞ղ ես, Վահանիկ:
— Այս չէնքի մեջ՝ վարդապետն,
Կենտկո՛մն է մեր պարախայի
Ու Սովետը Գերապետն:

— Ինչ աղվո՛ր է, ինչ ալ մե՛ծ,
Ասպես զարդեր չե՛մ տեսած:
— Իսկ սա՛, Շաքե՛, Գերբն է մեր՝
Զույգ Մասիսները, տեսա՞ր:

— Իսկ Քրե՛մլը Մոսկվայի
Աստեղեն չի՞ երևար.
Մայրիկն ըսած է ինձի,
Որ՝ երբ հասնենք Երևան,

Ես Քրեմլ ալ պիտ երթամ,
Տեսնեմ Ստալին րաբան մեծ,
Անոր պաչի՛կ պիտի տամ,
Որ մեզի հո՛ս է բերեր:

— Մոսկվա՞...
Սրա՛ն մի նայեք,
Ո՛նց է գլուխը գովում,
Մոսկվա նրա՛ն կտանեն,
Ով որ լա՛վ է սովորում:

— Ինչպե՞ս կընամ ես սորվիլ,
Հայրըս գեռ փող չի՛ շահեր...
— Մի՛ սկսիր էլ նորից,
Բեյրո՛ւյթը չի հո սա էլ:

Միջնակարգը՝ ոչ լրիվ,
Պարտադիր է ու օրենք,
Զսովորե՛ս թե ճրի,
Կստիպե՛ն քեզ սովորել . . .

— Իրա՞վ է աս, թե՞ կատակ, —
Շաքեն մեզ հարց է աւելիս :
Մեկ էլ հեռւից՝ տրա՛տա՛-տա՛,
Թմբուկի ձայն է զալիս . . .

Փողն է հնչում բարձրաձայն
Ու թմբուկը զիւ թնդում,
Բանակային մի դասակ
Հրապարակ է մտնում :

Լեյտենանտը ձիգ քայլում
Ու կանչում է՝ «մե՛կ-երկո՛ւ» ,
Եվ դասակը մի անուշ
Հայկական երգ է երգում :

Լուսամուտից, մայթերից
Նրանց ծաղիկ են զցում,
Մանուկները շարքերին
Խառնըվում են ու ցնծում :

— Ս՞ա է բանակը մերին . . .

— Սա՛ է, — ասում ենք, — Շաքե՛ :
Շաքեն հասաւ շարքերին,
Լեյտենանտին փաթաթւեց .

— Քեռի՛, բա՛ն մը քեզ ըսեմ .
Դո՞ւ ես զարկած Հիթլերին . . . —
Քեռին ժպտաց ու ասաց .

— Հապա նայիր շարքերի՛ն . . .

Հիտլերին մե՛նք ենք զարկել,
Կարմիր Բանա՛կը մեր քաջ,
Մե՛նք ենք այս հողը փրկել,
Ճամփա բացել, որ դու գա՛ս :



— Կեցիր, պաչի՛կ մը տամ քեզ... —
 Լեյտենանտը ծիծաղեց,
 Կրծքի ծաղիկը պոկեց
 Նվ Շաքեին նսկեց:

Չորս կողմն աղմուկ է, ծիծաղ,
 Ու Շաքեին են նայում:
 Նա թե. — Ինչո՞ւ կ'սնդաք,
 Ես զորք տեսա՞՞մ եմ հայու...

Անգլիացին է անտեղ,
 Քիթը ցցած կքալե,
 Անցնի՛լ կուզես դու մոտենա՛,
 Կըսես՝ հիմա կզարնե՛... .

- Ապրե՛ս, ապրե՛ս, քա՛ջ աղջիկ...
- Տեսա՞ք՝ ինչ լա՛վ էլ ասաց...
- Անվախ ծլի՛ր, կանաչի՛ր...
- Քո երկրո՛ւմն ես հարազատ:

Աղմկում են, մոտ գալիս
Ու Շաքեին գուրգուրում,
Մեկը ծաղիկ է տալիս,
Մեկը անունն է գրում:


Ավտոնեցը՝ տո՛ւ-տո՛ւ-տո՛ւ...
Տրամվայը՝ ձի՛ն-ձի՛ն-ձի՛ն...
— Շաքե՛, արի, դնանք տո՛ւն,
Շա՛տ ման եկանք, հոգնեցի՛նք:

Շաքեն թե. — Ձե՛, չե՛մ ուզեր,
Ես հոգնած չեմ տակավին:
— Դե լա՛վ, եկեք, սպասենք,
Ցածից ավտո է գալիս:

Մենք ավտոբուս նստեցինք,
Շաքեն հանդիսո չի տալիս.
— Աս ի՞նչ չենք է գեղեցիկ,
Աս փողոցն ո՞ւր կտանի:

— Դու նստիր, մենք կպատմե՛նք,—
Ասում ենք մենք Շաքեին.—
Ֆիլհարմոնիան է սա մեր,
Սա՛ խանո՛ւթը գրքերի:

Պետթանգարա՛նն է այստեղ,
Այստեղ՝ թե՛րթը «Պիոնե՛ր կանչ»
Այստեղ ներգաղթկոմիտե՛ն,
Իսկ սա՛ կինո՛ն է «Մոսկվա»:



— Մարո, կարող ե՞ս, ասա,
Այս ի՞նչ չենք է կաղմբաքար:

— Ակադեմիան է:

— Իսկ սա՞...

— Սա դպրոց է իդական:

Ավտոն սուրում է անձայն,
Մենք աղմկում ենք նորից.

— Աս ո՞ր փողոցը հասանք,

— Սա փողոցն է Կիրովի:

— Վա՛յ, ինչ տուներ կան աղվոր.

Հարուստներու թա՞ղն է սա...

— Հա՛, — կատակում է Մարոն, —

Պալատ էլ կար, չտեսա՞ր:

— Ո՛չ, չե՛մ տեսած:

— Շա՛տ ամառս,
Ես քեզ այնտեղ կտանեմ:

— Պահա՛կ կըլլա դռան քով,
Ո՞վ մեզի հոն ներս կառնէ:

— Կառնե՛ն, — ասում է Կարոն
Ու մեզ աչքով է անում:

— Անտեղ ալ կա՞ թագաւոր...

— Ինչքան ուղես՝ մի վագո՛ն...

Ահա այդին «Ֆլորա»

Ու փողոցը Մոսկվայի...

Շաքեն չչմած, մոլորած,

Հարցնում է ու գալիս.

— Ա՞ս է պալատը, տղա՛ք:

— Այո՛, այս չենքն է, Շաքե՛:

Նա չեմքին ոտք չդրած՝

Հանկարծ վախով ետ ցատկեց...

Շեփորները՝ տրա՛-տա՛-տա՛,

Թմբուկները՝ տի՛կ-տա՛կ-տի՛կ,

Պիտներական մի ջոկատ

Դուրս էր գալիս պալատից:

— Աստե՛ք ուլքե՞ր են, տղա՛ք:

— Թաղաւորներե՛քն են, Շաքե՛:

Շաքեն աչքերը չռած


Ասում է. — Խա՛ղ կսարքեք...

— Ի՛նչ խաղ, ի՛նչ բան, արի՛ներս, —

Կիման քաշում է նրան...

Լույսե՛ր, դարդե՛ր, արձաննե՛ր,

Պալատ չէ սա, այլ հրա՛ջք:



Չորս կողմ՝ աղմուկ է, ծիծաղ,
Եվ ամեն մի սենյակից
Լսվում է կամ երգի ձայն,
Կամ հնչյուններ ջութակի:

Մենք ելնում ենք դեպի վեր,
Դռներից մեկը բացում,
Այնտեղ մի խումբ մանուկներ
Մոգեղներ են պատրաստում:

Բաց ենք անում մի այլ դուռ,
Այնտեղ գրում են, կարդում,
Երբորդ դուռն ենք բաց անում,
Այնտեղ նկար են անում...

Ժսկ կողքի մեծ դահլիճից,
Լսվում է երգ, խոսք ու ճիչ:
— Հոս ի՞նչ կընեն, բարեկամ:
— Սա թատրոնն է մանկական:

— Կձգե՞ն հոս դալ ինձի,
Ես ա՛լ կուղեմ նվաղել...
Մեկ էլ դռնից դիմացի
Մեկը կանչում է.
— Շաքե՛ր...

— Ալի՛ս, աղվճ՛րըս, — նրանք
Փաթաթվում են սրտագին...
— Դուռն ե՞րբ եկար Երևան...
— Դուռն ոչտե՞ղ կընակիս...

— Հոս ի՞նչ կընեն դուռն, Ալի՛ս:
— Կսորվի՞մ ե՛րգ ու նվա՛դ...
Սենյակներից դուրս դալիս՝
Շրջապատում են նրանց:

— Կրնա՞մ ես ալ հոս սորվիլ...
— Կրնա՛ս:
— Չոչնի՛մ ես դրամ:

— Շաքե, դուռն ի՞նչ կխորհիս,
Աս տունը մե՛զ են տված.
Հոս ի՛նչ ալ որ փախաքես,
Կըրնաս ընել դուռն ձրի...

...Չարմանո՞ւմ ես դու, Շաքե՛,
Դեռ չգիտե՛ս դու լրիվ.
Դեռ բացի այս պալատից
Հազար դպրոց մենք ունենք...
Փիղկուլտ տներ ու այգի,
Ամառային ճամբարներ,
Տիկնիկային թատրոններ,
Երկաթուղի մանկական,

Գիրք, ամսագիր ու թերթեր՝
«Հոկտեմբերիկ», «Պիոներ կանչ»...

Շաքեն բերանը բացած
Մեխվել է ու շվարել,
Եվ ասում է զարմացած.
— Սա բոլորն ո՞վ է տվեր...

— Ստալինն է մեզ տվել
Կյանքն այս ուրախ, երջանիկ,
— Կրնա՞մ ըլլալ ես պիոներ:—
Հարցնում է նա մեղանից:

— Պիոներ կարո՞ղ է լինել
Մեզ մոտ ամեն մի մանուկ,
Ով կարգապահ է, համե՛ստ,
Ով որ լա՛վ է սովորում.

Եվ պատրա՛ստ է նվիրվել
Ստալինի մե՛ծ դոճծին...
— Կուզե՛մ ըլլալ ես պիոներ:
— Կգի՛մե՛ս ձեր դպրոցին...
.....

Մեծ շենքերում դիմացի
Արդեն լույսեր են վառվում,
Շաքեի հետ միասին
Մենք երգով տո՛ւն ենք դառնում:

Ամեն քայլի նոր փողոց,
Նոր շենքեր ու նոր տներ...
— Շաքե՛, քեզ ի՞նչ է եղել...
— Շաքե՛, ի՞նչ է պատահել...

— Ես ինձի չե՛մ մտածեր,
Գրիգորի՛կը հիշեցի...
— Գրիգորիկն ո՞վ է, Շաքե՛:
— Տղա՛ն է մեր զբայի...

Ան ալ պզտիկ է, աղվո՛ր,
Բայց չի՛ կրնար հոն սորվիլ.
Կո՛ւյր է հայրիկը անոր,
Եվ կույրին հետ քով-քովի,

Ան գիշերը մինչև լույս
Քաբարերն մեջ կերգե,
Որ գինովները հարուստ
Իրենց դրա՛մ մը նետեն:

Գինովները կկովեն,
Գրիգորիկին կզարնեն,
Գինի կուտան, ոք խմե,
Իր հայրիկը կծաղրեն...

Ես կխորհի՛մ՝ անիկա
Հայերե՛նն ալ է մոռցե՛ր...
Իսկ սա սլալա՛տը թե գար,
Հիմա երգի՛չ էր դարձեր...

Շաքեն դողո՛ւմ է, լալի՛ս,
Իսկ մենք ասում ենք նրան.
— Շաքե՛, իզո՛ւր ես լալի՛ս,
Նա Բեյրութում չի՛ մնա:

Ստալին պասլը բոլորին
Ճանաչում է ու գլթում,
Ստալին պասլը չի՛ թողնի,
Որ նա կորչի Բեյրութում:

Կուզե՞ս՝ նամակ էլ դրենք,
Այստե՛ղ կանչենք նամակով...
— Տղա՛ք, կատակ չե՞ք ըներ:
— Պիռնեքական ազնիվ խո՛սք:

Շաքեն արցունքը սրբած՝
Վազում է ու թռչկոտում:
— Ո՞ւր ես վազում, Շաքե', կա'ց,
Արդեն հասել ենք մեր տուն:

Տրամվայը՝ ձի'ն-ձի'ն-ձի'ն...
Ավտոները՝ տո'ւ-տո'ւ-տո'ւ...
Սա մեր տունն է գեղեցիկ
Ստալինյան պրոսպեկտում:

Մեր մայրիկները բակում
Կանգնած մեզ են սպասում,
Շաքեի մորը օգնում
Ու նրա հետ զրուցում:

— Մայրի'կ, — գոռում է Շաքեն, —
Կեցիր, քեզ բա'ն մը լսեմ,
Չեմ գիտեր, ո՞րը պատմեմ՝
Ես Երևա'նն եմ տեսեր...

— Ի՞նչ Երևան ու ի՞նչ բան՝
Դեռ մի փողո՞ց ենք շրջել...
— Դե', — ասում է մեր պապան, —
Ընթրիք արեք ու ննջե'ք:

— Բալի գիշե'ր քեզ, Շաքե',
Մենք գնում ենք քնելու...
Տատիկն ընթրիքը սարքել,
Սպասում է մեր գալուն:

Մենք թեյում ենք, լվացվում,
Համբուրում մեր մայրիկին,
Անկողինները բացում,
Պառկում, քնում ենք հանդիսա:

Տրամվայը՝ ձի'ն-ձի'ն-ձի'ն...
Ավտոները՝ տո'ւ-տո'ւ-տո'ւ...
Ժամը ինը խիեցին,
Բայց մենք արդեն չենք լսում...

Մենք առավոտն արթնանում,
 Հաղնվում ենք, լվացվում,
 Լուսամուտները բացում,
 Շփվում, մարդանք ենք անում:

Հետո թեյում ենք արագ
 Ու պատրաստվում ենք դասի...
 ...Մեկ էլ Շաքեն թե.— Տղաք,
 Չե՞ք դար, խաղանք միասին...

Ես մեծ տիկնիկ մը ունեմ,
 Ունեմ պզտիկ շոգեկառք,
 Կուզե՞ք՝ դնդա՛կս ալ բերեմ,
 Կուզե՞ք՝ մեր տո՛ւնը երթանք:

— Շնորհակա՛լ ենք, Շաքե՛,—
 Ստում ենք մենք միասին,—
 Հիմա պիտի շտապել,
 Ժամանակն է մեր դասի:

Երբ դպրոցից դառնանք տուն,
 Ինչքան ուզես՝ կխաղանք...
 Շաքեն նայում է, ժպտում.
 — Բան մը պատմե՞մ ձեզ, տղա՛ք:

— Պատմի՛ր, պատմի՛ր, կլսե՛նք,—
 Շրջապատում ենք նրան:

— Գիշերն երա՛ղ եմ տեսեր...

— Երա՞ղ...

— Ինչպե՞ս...

— Ի՞նչ երազ...

— Երազիս մեջ ինձ տեսա,
 Ձեզ հետ դպրո՛ց կերթայի,
 Ռուսերե՛ն կկարդայի,
 Հայերենի պես ազատ:



Վերջը պալատը դացի,
Հոն Գրիգորը կերպեր,
«Պիտներ կա'նչը» կարդացի,
Հոն իմ նկա'րն են տպեր:

Պիտներ էի ես դարձեր,
Կքալելի՛ շարքի մեջ,
Հայրըս Մոսկվա՛ էջ դացեր,
Ինծի տարեր էր իր հե'տ:

Հոն ես Քրե՛մլը տեսա...
— Վե՞րջը, — խնդում է Մարոն, —
Այդ իսկի՛ էլ երազ չէ,
Այդ մեր կյա'նքն է լուսավոր:

Ես կարծեցի երազում
Լուսնի վրա՛ ես թռել...
— Դրան երա՞զ ես ասում,
Դժվա՞ր է այդ կատարել...

— Դե՛, ուշանում ենք, աղե՛րք,
Լսո՞ւմ եք ձայնը զանգի:
Զի՛ ուշանում դպրոցից
Պիտները իսկական:

— Է՛, Շաքե՛, մենք գնացի'նք,
Դու հայրիկիդ հետ կգա'ս...

Տրամվայը՝ ձի'ն-ձի'ն-ձի'ն...
Ավտոները՝ տո՛ւ-տո՛ւ-տո՛ւ...

...Շաքեն այսօր դպրոցից,
Գիրքը ձեռքին դադձավ տուն:

ՎԵՐՋԵՐԳ

Հիմա Շաքեն մեր բաղում
Ընկե՛րն է մեր հարազատ,
Կարմիր փողկա՛սլ է կապում
Եվ սովորում գերադա՛նց:

Սլաքաւա՛ր է հիմա
Նա մանկական դնացքում,
Գրիգորիկի համար նա
Ռուսերեն գի՛րք է կարդում:

Պիտներական սլաքաւում
Նա նվագում է գիթա՛ռ,
Ու դասը չի պատրաստում,
Նրան օգնում է կարգա՛լ:

Ու ժլա՛տ է ու անկարգ,
Նրանց հետ խաղ չի՛ անում,
Ու ուր նո՛ր է ներգաղթած,
Նրանց քաղա՛ք է տանում:

Դերձա՛կ է մայրը նրա,
Իսկ հայրիկը՝ դեպուտատ,
Պողոտայում Բաղրամ՝յան
Նրանց նոր տո՛ւն սխտի տան:


Շաքեն երկու օր հետո
Հոր հետ Մոսկւա՛ է գնում,
Պիտներենի Մոսկւայի
Մեզնից նամա՛կ է տանում:



Իսկ ամառը միասին
Մենք գնալու ենք ճամբար...
Ու չգիտի այս մասին՝
Թող այս գրքույկը կարդա՛:

Իսկ ով ուղիւմ է տեսնե՛լ,
Ծանոթանա՛լ Շաքերին,
Ահա՛ նրան մեր հասցե՛ն՝
Ստալինյան № 5:

Ասենք, հասցե պե՛տք էլ չի.
Ո՛չ ոք իզուր թող չդա՛.
Այդպէս տղա ու աղջիկ
Ամեն բախի մեջ էլ կա՛:



Խմբագիր՝ Վ. ԳՐԻԳՈՐՅԱՆ

Տեխն. խմբագիր՝ Ս. ԼԱԲՈՅԱՆ

Կոմնտոլ սրբագրիչ՝ Ս. ՐԱԲՍԱՆ

ՎՖ 01872, Պատվեր 1021, Տիրաժ 5000:

Տպագրական 2 մ.:

Հանձնված է արտադրության 28/III/1949 թ.:

Ստորագրված է տպագրության 5/V/1949 թ.:

Հայպոլիգրաֆհրատի վարչության
Տպարան, Սրևան, Լենինի փ. № 65, 1949 թ.

